



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ՆԱԽԱԳԱՀԻ ՀՐԱՄԱՆ

« 08 » 11 20 23 թ.

Թիվ 261-Վ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ՆԱԽԱԳԱՀԻ 2020
ԹՎԱԿԱՆԻ ԴԵԿՏԵՄԲԵՐԻ 21-Ի ԹԻՎ 175-Լ ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի
Հանրապետության օրենքի 34-րդ հոդվածի 1-ին մասով և «Հայաստանի
Հանրապետության քննչական կոմիտեի մասին» Հայաստանի Հանրապետության օրենքի
12-րդ հոդվածի 2-րդ մասի 3-րդ կետով.

Հրամայում եմ.

1. Հայաստանի Հանրապետության քննչական կոմիտեի նախագահի 2020
թվականի դեկտեմբերի 21-ի «Հայաստանի Հանրապետության քննչական կոմիտեի և
Հայաստանի Հանրապետության քննչական կոմիտեի դեպարտամենտի գործունեության
ընթացքում առաջացող փաստաթղթերի պահպանության ժամկետների նշումով ցանկը
հաստատելու և Հայաստանի Հանրապետության քննչական կոմիտեի նախագահի 2015
թվականի նոյեմբերի 2-ի թիվ 99-Լ հրամանն ուժը կորցրած ճանաչելու մասին» թիվ 175-Լ
հրամանի (այսուհետ՝ հրաման) վերնագրից և 1-ին կետից հանել «և Հայաստանի
Հանրապետության քննչական կոմիտեի դեպարտամենտի» բառերը:

2. Հրամանի 2-րդ կետը շարադրել հետևյալ խմբագրությամբ.

«2. Հայաստանի Հանրապետության քննչական կոմիտեի հիմնական և աջակցող մասնագիտական կառուցվածքային ստորաբաժանումների պետերին՝ ապահովել.

1) Հայաստանի Հանրապետության քննչական կոմիտեի գործունեության ընթացքում առաջացող փաստաթղթերի պահպանությունը սույն հրամանով հաստատված հավելվածով սահմանված ժամկետներում.

2) սույն հրամանով հաստատված հավելվածով չնախատեսված փաստաթղթերի պահպանումը Հայաստանի Հանրապետության կառավարության 2019 թվականի ապրիլի 4-ի թիվ 397-Ն որոշմամբ սահմանված պահպանության ժամկետների նշումով արխիվային փաստաթղթերի օրինակելի ցանկի պահանջներին համապատասխան:»:

3. Հրամանի 1-ին կետով հաստատված հավելվածը շարադրել նոր խմբագրությամբ՝ համաձայն հավելվածի:

4. Սույն հրամանն ուղարկել Հայաստանի Հանրապետության քննչական կոմիտեի նախագահի տեղակալներին, Հայաստանի Հանրապետության քննչական կոմիտեի գլխավոր քարտուղարին, Հայաստանի Հանրապետության քննչական կոմիտեի հիմնական և աջակցող մասնագիտական կառուցվածքային ստորաբաժանումների պետերին և Հայաստանի Հանրապետության քննչական կոմիտեի արխիվի բաժնի պետին:



Ա. ՔՅԱՐԱՄՅԱՆ